

龔自珍年譜稿

阮 桃 園

壹、敘 例

龔自珍（一七九二——一八四一）字璉人，號定盦，後更名鞏祚。生於乾隆五十七年，卒於道光廿三年。清史稿文苑傳對他作如是記載：

鞏祚才氣橫越，其舉動不依恆格，時近倣詭。……道光時成進士，……官中書時，上書總裁，論西北塞外部落源流、山川、形勢，訂一統志之疏漏，凡五千言。後復上書，論禮部四司政體宜沿宜革者，亦三千言。其文字驚桀，出入諸子百家，自成學派，所至必驚衆，名聲籍籍，顧仕宦不達。

而蕭一山先生著清代通史，將龔氏列常州學派（註一）開風氣之先的人物：

常州言學，既主微言大義，而通於天道人事，則其歸必趨而論政……其極必趨於輕古而重時政，則定菴其眉目也。（頁一七六四）

而爲其「己亥雜詩」作注的萬尊嶷對他的評價則爲：

從他開始，乾嘉的考據之學，變得黯然失色，代之而興的是面向現實，面向世界，是推翻偶像，破棄陳規，是擺脫因襲，尋找未來。這固然不是龔自珍個人有如此宏大的力量，而是社會發展的趨勢已進入一個新的階段，但是，作者恰好站在這個歷史轉折點的前列，因而他的功績又是必需肯定。

近代學者錢穆在〔龔定菴思想分析〕一文中表示：

嘉、道以還，清勢日陵替，堅冰乍解，根蘖重萌，士大夫乃稍稍發舒而爲政論焉，而定菴則爲開風氣之一人。

在黃功偉著〔中國近代學術思想變遷史〕一書的序言中有一段文字如是：

乾、嘉以後，清廷……已非康熙父子三代的全盛情形。時代刺激了青年，……龔自珍與王仲瞿、金聖歎，都是這一時代的怪人，但龔的才智，又遠非金聖歎、王仲瞿可比，他的學術思想，一直影響道、咸以後而到民國初年……康……梁都是承受龔定盦的影響而啟發其新知。龔定盦著作的「平均篇」、「乙丙之際箸議」等關於救亡圖強思想的影響，更爲有力。

根據上述四項記載，證諸龔自珍自己的文章：

有天下者，莫高於平之之尚也，其邃初手！降是，安天下而已，又降是，與天下安而已

，又降是，食天下而已。最上之世，君民聚斲然，三代之極其猶水，君取盂焉，臣取勺焉，民取卮焉。降是，則勺者下侵矣，卮者上侵矣，又降，則君取一石，民亦欲一石，故或涸而踣。石而浮，則不平甚，涸而踣，則又不平甚。有天下者曰：吾欲爲邃初，則取其浮者而挹之手？不足者而注之手？則纍然喙之矣。大略計之，浮不足之數相去，愈遠，則亡欲速，去稍近，治亦稍速，千萬載治亂興亡之數，直以是券矣。（全集：平均篇）

其所著〔己丙之際箸議〕最足表現龔氏的卓見於一端：

有匹婦之憂，有城市之憂，有人主之憂；匹婦之憂，貨重於食，城市之憂，食貨均，人主之憂，食重於貨。夫貨，未或細也，未或毀也。以家計，患其少，以城中計，尚患其多，何哉？任者以急朋友，俠者以無名，放者以無節，雖千萬不鈞，其在天地間則鈞……。（塾議第十六）。

其中所顯示龔自珍的洞見及對社稷「先天下之憂而憂」的懷抱都具體說明了自「承先啟後」的觀點言，他所該得到的歷史地位。

不僅此，其才華加上蹇困的際遇發而爲文章詩賦更是迴腸盪氣、耐人尋味，散文如：

居禮曹，客有過者曰：卿知今日之揚州乎？讀鮑照蕪城賦，則遇之矣。余悲其言：抵揚州…舍舟而館。既宿，循館之東牆，步游得小橋，俯溪，溪聲瀟，過橋，遇女牆鬻可登者，登之，揚州卅里，首尾屈折高下見。曉雨沐屋，瓦鱗鱗然，無零登斷壁，心已疑禮曹過客言不實矣，入市，求熟肉市聲瀟。……天地有四時，莫病於酷暑，而莫善於初秋，澄汰其繁縟淫蒸，而與之爲蕭疏澹蕩，冷然瑟然，而不遽使人有蒼莽寥之悲者，初秋也。今揚州，其初秋也歟？予之身世，雖乞糴，自信不遽死，其尚猶丁初秋也歟？」

其行文一波三折如此。其詩如己亥雜詩第一〇七首：

少年攬轡澄清意，倦矣應憐縮手時。

今日不揮閑涕淚，渡江只怨別蛾眉。

己亥詩第廿四首：

誰肯栽培木一章，黃泥亭子白茅堂。

新蒲新柳三年大，便與兒孫作屋梁。

又一首：

祇將媿汗濕萊衣，悔極堂堂歲月違。

世事滄桑心事定，此生一跌莫全非。

他的詩、文不僅在生前其享有盛名，到了同治、光緒年間，更是知識份子爭相傳頌的對象，這和他失意的仕旅則成一強烈對比。因此他在清朝文學史上是不可不分一席的。即使近代學者中好之、評之者亦甚夥，〔龔定盦研究〕的作者朱傑勤對龔氏詩的評價爲：

其文則與莊子爲近，其詩則直入李白之堂奧也。

清末詩人受定盦影響者多，固不祇遵憲一人，卽近時易實甫、蘇曼殊、柳亞子、葉楚傖、楊杏佛諸君，亦私淑之，總之，嘉道間之詩人，龔定盦實爲第一。

此外：

定盦詩之好處，是形式上變化複雜，其一首中就四言變爲五言，五言變爲七言而八言，而十餘言，句法長、短都無一定，無論若干篇幅，皆可舉重若輕，此事求諸古人如李白、長吉，有時亦不免縮手。蓋定盦之詩，純以古文之法行之，字々古雅，語々驚人，出入莊騷，超手塵俗。

因此，我覺得爲這樣一位才具不凡、言之有物，不作無病呻吟、風格獨特的落寞文人寫評傳，使其生命的吉光片羽化爲永恆，是有意義的。而立譜表又爲寫評傳之先的基本工作，章太炎謂：


年譜之作，仿於宋人，考次前人撰著，因而譜其生平時事與其人之生卒進退，而知其所以爲言，是亦論事知人之學也。文集者，一人之史也，家史、國史與一代之史，亦將取以證焉，不可不致慎。

可爲本譜之所以編撰目的作一最好說明，而資料來源亦多取自龔自珍全集中之詩文及自敘，當屬最可靠之第一手資料。

龔自珍年譜及外紀等資料共有「五種」（註二）在台搜集得到的有三種，故本譜之編述乃以這些資料爲基礎再附上當代大事表，更有新發現之資料可資增訂舊作者，彼此互較折衷之，出以己意而完成。其紀年則以清紀元爲主，輔以西曆，下繫干支及譜主年壽。紀年及年內諸事一律頂格，一事一行不足盡之，另起行時則低二格寫起。（事略中之紀年文和交遊部分擬另撰「作品繫年」表和「交遊考」，故省、略之。

本譜之完成尙嫌匆促，不夠詳實之處在所難免，日後當隨時補充，故以「年譜稿」命名。

貳、譜系圖表



參、本 譜

乾隆五十七（一七九二）壬子，生。

國家大事紀

六月：福康安收復後藏，進征廓爾喀，大敗之，奪鐵索橋。

八月：廓爾喀降。

十月：御製十全記成。定呼畢爾罕嗣續掣籤例。

事略

七月初五午時，生於杭州之東城馬坡巷（全集中破戒草乙酉除夕夢返故廬見先母及潘氏姑母詩自注：「余以乾隆壬子生馬坡巷。」）

父麗正年二十六歲

段茂堂（玉裁）五十六歲（按：段和龔關係極深；先生母乃茂堂之女，妻段氏乃茂堂之孫女。）

劉申受（逢祿）十七歲（按：先生後從申受受公羊春秋）

王文簡公（引之）二十七歲（按王文簡公爲先生鄉試座主。）

乾隆五十八年（一七九三）癸丑，二歲。

國家大事紀

正月：安南國王阮光平卒，封阮光纘爲安南國王。

二月：賜浙江巡撫福松死。

三月：內大臣海蘭察卒。

八月：英吉利使臣馬戛爾尼入覲。

十一月：詔永停捐納例。

乾隆五十九年（一七九四）甲寅，三歲。

國家大事紀

六月：大學士嵇璜卒。

八月：詔普免天下漕糧一次。

乾隆六十年（一七九五）乙卯，四歲。

國家大事紀

正月：貴州苗石柳鄧叛陷湖南永綏廳。詔雲貴總督福康安，四川總督和琳率師討之。

十月：閩浙總督伍拉納，巡撫浦霖，按察使錢受椿有罪伏誅。

十一月：苗酋吳八月就禽。

十二月：詔明年歸政。

父麗正公中式本省鄉試舉人。

嘉慶元年（一七九六）丙辰，五歲。

國家大事紀

正月：帝受禪即位，尊高宗爲太上皇帝，立嫡妃喜塔臘氏爲皇后。舉千叟宴。湖北白蓮教作亂，命湖廣總督畢沅，巡撫惠齡率師討之。

二月：帝御乾清門聽政。四川陝西白蓮教繼起，以孫士毅署四川總督，率師討之。

五月：大學士閩浙總督福康安卒於軍。

七月：大學士署四川總督三等男孫士毅卒於軍。

八月：四川總督一等伯和琳卒於軍。

十一月：以傅恆、兆惠、福康安、和琳配享太廟。

十二月：湖南苗酋石柳鄧父子被擒伏誅。詔封明亮爲襄勇伯，額勒登保爲威勇侯，其餘諸將爵賞有差。

父麗正公朕捷，會試第卅一名。（杭州府志卷一三七）

殿試二甲第廿八名（進士題名錄）

賜進士出身，授禮部主試。

嘉慶二年（一七九七）丁巳，六歲。

國家大事紀

二月：皇后崩。以劉墉爲體仁閣大學士，沈初爲吏部尚書，朱琳爲兵部尚書。

閏六月：西隆州亞稿苗亂平。加吉慶太子太保。彭承堯太子少保，均賞戴雙眼花翎。

七月：湖廣總督畢沅卒於軍。

九月：以勒保爲湖廣總督，鄂輝爲雲貴總督。

嘉慶三年（一七九八）戊午，七歲。

國家大事紀

三月：明亮德楞泰大破教匪於郟西。齊王氏姚之富隕崖死。

七月：四川總督勒保，奏擒教首王三槐，詔封勒保一等威勒伯。

十一月：額勒登保、德楞泰合擊四川教匪羅其清於大鵬山，大破之。

先生少時體弱，聞斜日中錫簫聲則病，迨壯猶然，莫喻其故（己亥雜詩自注）。

嘉慶四年（一七九九）己未，八歲。

國家大事紀

正月：太上皇帝崩。詔除副封。大學士和坤有罪賜死，籍其家。

二月：帝始御西廡幄次，引見官員，三月以慶桂爲文淵閣大學士。

三月：額勒登保擊破教首冷天祿於岳池，擒斬之。

七月：禔勒保職，以明亮爲經略大臣。魁倫爲四川總督。

八月：明亮罷，以額勒登保爲經略大臣。奪翰林院編修洪亮吉職。

十月：德楞泰奏擒教首高均德，檻送京師。

十二月：額勒登保擊教首王登廷於巴州。追獲之。

事略

得舊登科錄讀之，是蒐輯二百年科名掌故之始。

嘉慶五年（一八〇〇）庚申，九歲。

國家大事紀

正月：以阮元爲浙江巡撫。

六月：海盜入寇台州，定海總兵李長庚擊走之。

七月：教主劉之協被擒伏誅，湖南平。

九月：封朝鮮世子 爲朝鮮國王。

事略

九月初一日，先生祖父匏伯公卒。（見段玉裁〔龔公神道碑銘〕）

嘉慶六年（一八〇一）辛酉，十歲。

國家大事紀

四月：貴州石峴苗叛。知府傅鼐討平之。

十月：德楞泰擊教首龍紹周於平利，晉封二等繼勇伯。

嘉慶七年（一八〇二）壬戌，十一歲。

國家大事紀

五月：額勒登保奏擒教首張天倫、伍懷志。

九月：額勒登保擒辛斗及冉添璜等，晉封三等伯。

十二月：額勒登保奏報川楚陝教匪肅清。論功行賞有差。

事略

十月，麗正公奉匏伯公與陳恭人柩，合窆於施家邨之原（段玉裁龔公神道碑銘記），服闋入都，先生侍行（見〔懷人館詞選湘月〕自注）。

從建德拔貢生宋魯珍（璠）學。（見〔宋先生述〕）

嘉慶八年（一八〇三）癸亥，十二歲。

國家大事紀

正月：海盜蔡牽作亂，浙江提督李長庚襲擊於定海，大破之。

九月：工部尚書彭元瑞卒。

十月：雲貴總督琅玕，討猓匪平之。

事略

外王父段茂堂授以許氏說文部目，是爲以經說字，以字說經之始。

在塾中，與袁琴南（桐）友善。（見懷人館詞〔百字令投袁大琴南〕，自注乃十二歲時情事）。

嘉慶九年（一八〇四）甲子，十三歲。

國家大事紀

八月：李長庚大破蔡牽、朱瀆于定海北漁山。

九月：額勒登保、德楞泰合擊白蓮餘匪苟文潤等斬之，川陝悉平。

十二月：體仁閣大學士劉墉卒。

事略

宋魯珍舉順天鄉試，仍館先生家，嘗命作水僊花賦，後編刻少作一卷，以此冠首。又因宋先生之問而作辯知覺，宋先生評其文曰：「行間酸辣」。

時住橫華街。

嘉慶十年（一八〇五）乙丑，十四歲。

國家大事紀

四月：禁西洋人刻書傳教。

十月：那彥成有罪免，以吳熊先爲兩廣總督。

十一月：百齡有罪免，以全保爲湖廣總督。

事略

始考古今官制，後成漢官損益上、下篇、百王易從論一篇（並佚），以竟髻年志。（己亥六十四——己亥雜詩第六十四首也，以後均如是簡述——自注）。

嘉慶十一年（一八〇六）丙寅，十五歲。

國家大事紀

正月：蔡牽寇台灣。

二月：李長庚擊牽於鹿耳門，大破之，牽走閩海。

七月：寧陝新兵譁變。

九月：陝西提督楊遇春，總兵楊芳討平寧陝新兵之譁變。

十二月：綏定新兵作亂，四川總督勒保討平之。

事略

詩編年自是歲始（己亥六十五自注：「詩編年始嘉慶丙寅，終道光戊戌，勒成廿七卷。」按：今除破戒草——包括辛巳、壬午、癸未、乙酉、丙戌、丁亥——及己亥雜詩外，餘惜不存。

嘉慶十二年（一八〇七）丁卯，十六歲。

國家大事紀

正月：西鄉營新兵作亂，西安將軍德楞泰討平之。

四月：申禁地方官擅造非刑。

十二月：浙江提督李長庚，追擊蔡牽於粵海，中礮死，牽走安南。

事略

始讀四庫提要，是平生爲目錄學之始，自是蓄書頗豐，多七閣未收之本。（己亥七十六注）時先生侍親居京師法源寺南，嘗逃塾就寺門讀書，金壇段叟清標尋聲尾之，寺僧戲謂一猿一鶴也。段叟名玉立，一字鶴台，段恭人之叔父。（見破戒草丙戌秋日獨遊法源寺尋丁卯戊辰戊辰間舊遊，遂過寺南故宅，惘然賦詩。）

識夏進士璜。

嘉慶十三年（一八〇八）戊辰，十七歲。

國家大事紀

二月：辰沅永靖道傳鼐入覲。

七月：帝秋獮木蘭。

九月：帝還京師。

事略

是歲睿廟五旬萬壽恩科鄉試，麗正簡放廣西正考官，時官禮部郎中（見龔著〔禮名記序〕）

。

從父文恭公，亦以編修典試湖北，兄弟同持使節，時稱盛事。（仁宗睿皇帝實錄卷一百九十六：「嘉慶十五年閏五月辛巳，以禮部郎中龔麗正爲廣西鄉試正考官。」卷一九七：「六月乙巳……以編修龔守正爲湖北鄉試正考官。」）

游太學，見石鼓文，大好之，由是始爲金石之學（己亥詩自注）。

嘉慶十四年（一八〇九）己巳，十八歲。

國家大事紀

六月：山陽知縣王仲漢有罪，伏誅。

八月：王得祿、邱有功。各擊蔡牽於漁山外洋，牽自沈死，閩海平。

事略

是歲麗正公入直樞垣（見〔杭郡詩三集〕小傳）

春，秀水王仲瞿孝廉（曇）見先生於門樓胡同西首寓齋，遂訂忘年交，是歲王已五十歲矣。

（見〔王仲瞿墓表銘〕）。

嘉慶十五年（一八一〇）庚午，十九歲

國家大事紀

事略

三月：粵海巨盜張保降、海疆平。是歲始倚聲填詞（己亥七十五注）

秋，應順天鄉試，由監生中式副榜第廿八名。座師爲；長沙劉文恪公（權之）、新城陳鍾溪

少司寇（希曾）、涇縣朱靜丞（理）、房考覺羅文莊公（至興）。

宋魯珍（璠）卒，年卅三（見〔宋先生述〕）

嘉慶十六（一八一—）辛未，廿歲。

國家大事紀

五月：以劉權之爲體仁閣大學士，吏部尙書鄒炳泰協辦大學士。

事略

段茂堂賜先生字曰「愛吾」（見〔經韻樓集〕：外孫龔自珍字說）。

六月二日，風雨竟晝，檢視敗簾中嚴江宋先生遺墨，滿眼淒然，賦水調歌頭一闕（見〔懷人館詞選〕）。

嘉慶十七年（一八一—）壬申，廿一歲。

國家大事紀

二月：試翰林詹事等官。

八月：河道總督陳鳳翔有罪死。

校書武英殿，是平生校讐之始（己亥四七注）。

三月，麗正公簡放徽州知府（安徽通志卷一三一，職官表志）。先生侍行，時近畿旱。（〔定盦全集〕：乙丙之際箸議第十九）。

先生見外父王段茂堂於吳中，茂堂索觀所業詩文，爲作懷人館詞序（見序文）。

四月，從段恭人歸寧吳中，且娶茂堂孫女美貞爲妻。

夏，汎舟西湖，時先生別杭已十年矣。（懷人館詞選湘月注文）。復由杭至徽州任所。

嘉慶十八年（一八一—）癸酉，廿二歲。

國家大事紀

六月：申禁宗室覺羅與漢人結婚。

九月：天理教徒李文成作亂，陷滑縣，知縣張克捷死之。林清襲京師，事敗伏誅。

十一月：陝西總督楊遇春，總兵楊芳，率兵至河南，李文成走死，滑縣平。

十二月：陝西箱賊萬五爲亂，總兵祝廷彪討平之。

事略

在徽州，段先生寄書勉學。（〔經韻樓集〕：與外孫龔自珍札）。

四月，入都應鄉試（見文集內〔乙丙之際箸議〕第十九）。

七月，元配段宜人卒於徽州府署，先生歸，已不及見。

應順天鄉試，未售。

秋，出都，亦題詞旅店中（見〔懷人館詞〕：金縷曲自注）又見驛壁有「一騎南飛」四字，
為滿江紅起句，復成若干首，名之木葉詞，一時和者甚衆。

嘉慶十九年（一八一四）甲戌，廿三歲。

國家大事紀

正月：復開捐例。

閏二月：江西胡秉輝為亂，以阮元為江西巡撫，率師討平之。

十一月：河南捻子匪起。

事略

三月，攜妻之靈柩自徽州歸葬杭州。（〔經韻樓集〕：龔自珍妻權厝志）

泛舟西湖，憶及前年與段宜人同遊之情，感歎良深，有詞，復返徽州。

麗正公議修徽州府志，延汪塾泉（龍）洪孟慈（怡孫）及武穆淳、胡文水諸子纂修，凡甄綜
人物，搜輯掌故之役，恆命先生任之役，先生於修志，亦有卓見焉。（見〔徽州府志〕
氏族表序，徽州府志局纂修諸子書）。

撰明良論四篇、段先生評之曰：「四論皆古方也，而中今病，豈心別製一新方哉，髦矣，猶
見此才而死，吾不恨矣，甲戌秋日。」

嘉慶廿年（一八一五）乙亥，廿四歲。

國家大事紀

八月：兩江總督百齡，奏獲奸民方榮等斬之。

九月：湖南巡撫巴哈布，逮捕西洋人蘭月旺殺之。

十二月：詔拿白蓮教遺孽。

事略

娶何宜人為續絃，宜人字吉雲，山陰人，何裕均之從女孫先生幼年即有志，欲徧覽皇朝輿地，
銘頌其名山大川，甲乙間，滯淫古歙州，乃撰黃山銘。

六月，麗正公改任安慶知府（徽州通志卷一三一職官表志）。先生別徽州。（〔懷人館詞〕
摸魚兒自注：「乙亥六月，留別新安作。」）

新安郡齋古桂，唐時植也，尊之曰：「辛丈人」，與先生相依四載，將別新安，乃撰〔別辛
丈人〕以紀之。（此文載文集中）。

外祖父段茂堂（玉裁）卒，年八十一。

嘉慶廿一年（一八一六）丙子，廿五歲。

國家大事紀

- 正月：禁內監呈遞諸王奏章。
四月：江蘇巡撫張師誠有罪免，以胡克家爲江蘇巡撫。
七月：褫尙書蘇楞額和世泰穆克登額等職。斥逐英使回國。
十一月：阮元爲湖廣總督。

事略

麗正公擢升江南蘇松太兵備道，多納賓客。先生侍父任上，凡關甄綜人物，搜輯掌故之役，未嘗不與焉。又與吳縣鈕非石（樹玉）、錢塘何夢華（元錫）搜討典籍，凡文淵閣未著錄者，及流傳本之據善本校者，必輒轉錄副歸。由是益肆意著述，貫串百家，究心經世之務。

王仲瞿來訪，留一月乃別去（見王仲瞿墓表銘）

嘉慶廿二年（一八一七）丁丑，廿六歲。

國家大事紀

三月：震南夷民高羅衣作亂，總督伯麟討平之。

事略

春，夏進士之京師，將銓縣令，行道別先生海上，作序送之。

王仲瞿卒，年五十八，先生助其葬於蘇州虎邱山之南，且爲之撰墓誌銘。

九月，子橙生，橙字孝拱，號昌匏。

是歲冬至，先生致書江藩，謂其曰國朝漢學師承記，名目有十不安。（按：甘泉江子屏（藩）著國朝漢學師承記。）

嘉慶廿三年（一八一八）戊寅，廿七歲。

國家大事紀

二月：大學士董誥乞致仕，許之。

事略

此年逢「睿廟六旬萬壽恩科」，先生應浙江鄉試中第名舉人。座主高郵王文簡公（引之）。

房考評其文曰：「規鏤六籍，籠罩百家，入之寂而出之沸，科舉文有此，海內覩祥麟威鳳矣。」又評其詩曰：「瑰偉冠場。」

嘉慶廿四年（一八一九）己卯，廿八歲。

國家大事紀

正月：詔天下覃恩有差。

四月：賜陳沅等二百廿四人進士及第出身有差。

事略

春，應恩科會試，不售。始從武進劉申受（逢祿）受公羊春秋，遂大明西京微言大義之學（己亥五十九自注）

於京師識莊公（存與）外孫：宋于庭（翔鳳）。

嘉慶廿五年（一八二〇）庚辰，廿九歲。

國家大事紀

二月：大學士章煦以疾乞致仕，許之。

四月：賜陳繼昌等二百四十六人進士及第出身有差。

七月：帝崩。

八月：皇太子旻寧即位，以明年為道光元年。

九月：回人張格爾作亂，詔褫參贊大臣斌靜職，逮京治罪，以永芹代之。

事略

會試仍下第，筮仕，得內閣中書（見文集：上海張青珊文集敘）。

先生官中書先後十餘年，於內閣故事最洽熟。以嘉慶廿一年治河方略館移內閣，借順治朝及康熙初紅本，備考核，館不戒於火，紅本燬。先生乃求順治前輩文章於江南上海縣李家，得張宸所為文集卅卷。

秋，戒為詩（跋〔破戒草〕：「余自庚辰之秋，戒為詩。」）。

道光元年（一八二一）辛巳，卅歲。

國家大事紀

二月：雲南永北廳夷匪為亂，總督慶寶平之。

九月：詔停福建貢花果。

十月：帝御乾清門聽政。

事略

正月，在吳中，與顧澗濱（千里）作採梅之游，旋入都。（見全集：小奢摩詞選，清平樂自注）。

夏，考軍機章京未錄。破詩戒，賦小遊仙十五首（見自注）。

秋，在京師與秦敦夫（恩復）過從甚密（〔破戒草〕壬午序）。覺羅文莊公（寶興）任吐魯藩領隊大臣，先生上書備論天山南路事宜，及撫馭回民之策，并錄西域置行省議獻之（見全集：上鎮守吐魯藩領隊大臣寶公書）。

十一月朔，撰〔擬進上蒙古圖志表文〕，時先生仍官內閣中書。

在內閣充國史館校對官時，館中方重修一統志，先生上書總裁，論西北塞外諸部落沿革，訂舊志之疏漏，凡一十八條（見己亥四十九自注）。

冬，朱山人之女夭，乞書碣，先生為撰朱孺女碣。

冬日小病。

除夕，與長洲彭蘊章同宿圓通觀，有〔辛巳除夕與彭同年蘊章同宿道觀中〕。彭出平生詩，讀之竟夜，遂書詩於卷尾。

道光二年（一八二二）壬午，卅一歲。

國家大事紀

五月：河北野番爲亂，陝甘總督長齡討平之。

十二月：申諭海口各關津，嚴拏夾帶鴉片煙。

事略

是歲成廟登極恩科，應會試未第。

自庚午歲始倚聲填詞，是歲勒爲六卷。

先生自辛巳後與程大理（同文）及甘泉秦敦夫友善，相約得一異書則互相借錄，無虛旬。其時徐星伯舍人、王北堂（徵君）並以搜羅精博聞於日下，先生引爲同志，由是珍笈益萃。

是多，所居不戒於火，藏書燼者十之八九，其後，歲以酒醢奠亡書百種，皆絕無僅有之本也。

秋，撰劉禮部庚辰大禮記注長編序，時先生仍官內閣中書。

李復軒爲序先生文，先生乃作〔李復軒秀才（學璜）惠序吾文〕，鬱鬱千餘言詩以報之詩，惜序今已不見。

李君配歸佩珊夫人（懋儀）亦工詩，著詩千餘篇。丙子歲，李氏夫婦客吳中，先生即與唱和，所詠百字令見〔懷人館詞選〕中。

是歲，有蜀人掘得一窖，獲印堊凡百餘枚，賣至京師，先生與諸城劉燕庭各得數枚。

道光三年（一八二二）癸未，卅二歲。

國家大事紀

三月，帝幸圓明園，以林則徐爲江蘇按察使。

事略

正月，阮元逾六十，先生撰成阮尚書年譜第一敘，時先生仍官內閣中書（敘文末自注）。

春，在都供職，會試未第。詣圓明園，有暮春以事詣圓明園，趨公旣罷，因覽西郊形勝。最後過澄懷園和內直友人春晚退直詩六首（詩載破戒草癸未歲）。

有詩送青田端木鶴田（國瑚）出都，先生嘗與鶴田論易，獨歎爲聞所未聞。

五月，自編甲戌以還文章爲文集三卷，餘集三卷，旣竣，見所棄者倍所存者，因又錄少作一十八篇，附餘集之尾。（按：此自刻文集，今已不得見之）。

六月，刊定無箸詞（初名紅禪詞）、懷人館詞、影事詞、小奢摩詞四種（此四種與己亥詩均

有自刻本，未見）。

六月二日，有與江居士賤，與江沅論及學佛與歸隱事，自云：「還山之志，非不溫縈寤寐間，然不願汨沒此中，政未易，有山便去，去而復出，則爲天下笑矣。」

七月，母段恭人卒於蘇松道署，先生奔喪，奉襯還杭州，殯於花園埂，在匏伯公塋側，植梅五十本於墓上（按：資料來源分別見於破戒草丁亥元日書懷詩注、破戒草癸未歲末自記，己亥一七三自注、破戒草乙酉臘見紅梅一枝思親而作〔時小客崑山詩〕自注）。

道光四年（一八二四）甲申，卅三歲。

國家大事紀

七月：詔毀蘇州五通祠。

八月：命林則徐籌濬江浙水道。

事略

丁母憂，是歲無詩。（破戒草癸未歲末自記：「自癸未七月至乙酉十月以居憂無詩。」）初春，購得宋拓蘭亭定武本，喜而跋之（跋文未見）。

在杭，與曹籟（葛民）結識（見文集曹籟序：「道光甲申之歲，余入市閱書，邂逅於僻巷……」）。

七月，撰金壇方言小記。

八月，與吳縣貝簡香居士（壩），江鐵君居士（沅），校契〔唐釋宗密圓覺經略疏〕二卷，先生並爲之作序。先生學佛，鐵君爲第一導師，奉徹悟禪師之書，篤信贊歎。

在京結交鎮國公容齋居士，好讀內典，又與龍泉寺唯一僧友善（按：分別見〔重刊圓覺經略疏後序〕、圓覺經略疏卷尾有〔助刊圓覺經略疏願文〕、己亥卅四、卅九自注）。

道光五年（一八二五）乙酉，卅五歲。

國家大事紀

六月：詔嚴禁糧船水手，設教歛錢。

事略

夏進士璜卒，先生廿年故交也，賦五截句以存其人（破戒草，夏進士詩）。

是歲，麗正公辭蘇松太兵備道（邵子顯校刊婁東雜著敘云：「國家以蘇州松江太倉州爲一道，睿皇帝朝，命家大人分巡之……大人去治十五年矣。」是文成於道光十九年己亥，則麗正公辭官當於是歲。）

始撰古史鈎沈論（張南山（維屏）國朝詩徵敘：「龔定盦年卅四，著古史鈎沈論七千言，具稿七年未寫定。」

冬，十月，服闋，客崑山，爲李秀才（增厚）補題夢遊天姥圖卷詩（其文序云：「余亦母喪闋才一月，勉復弄墨，未能成聲。」又乙酉臘見紅梅一枝思親而作小客崑山詩自注云：「母在人間，百事余不知也，記丙子至戊寅三除夕，燒蠟兩枝，供紅梅牡丹各一枝，讀漢書竟夜。」又乙酉除夕夢返故廬見先母及潘氏姑母詩云：「門內滄桑事，三人隱痛深，淒迷生我處，宛轉夢中尋，窗外雙梅樹，牀頭一素琴，醒猶聞絮語，難謝九原心。」先生純孝哀母之心，可見於此。

十二月十九日，得漢鳳紐白玉印一枚，文曰：「縑仔妾趙印。」先生定是趙飛燕物，喜極賦四律以倡徧徵寰中作者爲詩，復擬構寶燕閣，他日居之，謂：「先得地十笏於玉山之側」，後來卜居，榜曰：「羽岑山館」，卽其地也。（見破戒草丙戌乙酉十二月十九日得漢鳳紐白玉印一枚文曰縑仔妾趙，旣爲之說載文集中矣。喜極賦詩爲寰中倡詩，按所爲之文今已佚，不見於文集中）。

道光六年（一八二六）丙戌，卅五歲。

國家大事紀

三月：初試行海運。

八月：張格爾寇喀什噶爾城，伊犁將軍慶祥死之，西四城皆陷。

事略

春，入都（〔上海李氏藏書志敘〕自記：「道光六年丙戌六月，龔自珍在京師寄此敘。」則六月以前已至京師矣）。

會試不第。是科劉申受禮部（逢祿）與分校鄰房，有浙江湖南二卷，經策輿博曰：此必仁和龔君自珍、邵陽魏源也。亟勸力薦不售，於是有傷浙江、湖南二遺卷之詩（見：劉禮部詩集）。前輩賞譽之盛，於此益見。先生初與程大理齊名，稱程龔，及是，學者復稱龔魏云。

同年生胡戶部培翬集入祀漢鄭司農於寓齋，禮旣成，繪爲卷子，同人爲歌詩，先生作祀議一篇質戶部，復穩括其指爲韻語，大意謂鄭君兼治十三經，惟孟子注見隋經籍志，殆未可信，又言生平惡周禮，莊君綬甲，宋君翔鳳，劉君逢祿，張君瓚昭言封建皆信孟子疑周禮，禮，海內四人而已，張說尤悲，又云禮經十七篇注爲鄭功第一，千秋所當崇奉也。（按祀議一篇，現佚）

夏，友人謝學士階樹，陳修澹沅相繼逝，作二哀詩。

又祭程大理（同文）於城西古寺，賦三律以弔之。

秋，獨遊法源寺，憶丁卯戊辰間逃塾事，有丙戌秋日獨遊法源寺尋丁卯戊辰間舊遊，遂經過寺南故宅，惘然賦詩（詩載〔破戒草〕丙戌歲）。

先生在京鬱鬱不得志，歲暮，與妻何宜人共吟寒月吟，自寫成卷，慨念勞生，有偕隱之志（

破戒草丙戌寒月吟詩中有句云：「幽幽東南隅，似有偕隱宅，東南一以望，終戀杭州路……」。

道光七年（一八二七）丁亥，卅六歲。

國家大事紀

三月：將軍長齡，總督楊遇春，復喀什噶爾三城。

五月：以王引之爲工部尙書。

事略

三月廿六日，大風。次日，風少定，先生偕金禮部應城、汪孝廉潭，朱上舍祖穀弟自穀，出豐宜門賞海棠，並賦西郊落花歌。同年生吳侍御（傑）疏請唐陸宣公從祀睿宗，得御旨行侍御，屬同朝爲詩以張其事。

先生以官內閣中書，獻侑神之樂歌五章（見破戒草）。

顧千里（澗濱）得〔唐睿宗書順陵碑〕遠自吳中寄贈。先生本以鶴銘及北齊水牛山文殊般若經懸齋中，得此而三。喜而有詩（見〔破戒草〕丁亥：得唐睿宗書順陵碑，遠自吳中見寄余本以南北朝磨厓各一種懸齋中得此而三書於幀尾詩）。又藏有宋拓〔漢元行先生婁壽碑〕，顏書〔八關齊〕七十二字。

十月，錄辛巳以來七年之作有廿八篇，爲〔破戒草〕一卷又依乙亥、庚辰兩例，存餘集凡五十七篇，亦一卷。

賦常州高才篇贈丁若士（履恆）備述乾、嘉以表常州諸名流，皆先生所素識。

道光八年（一八二八）戊子，卅七歲。

國家大事紀

正月：張格爾就擒。

五月：逮張格爾至京師 殺之。

十月：禁用外國銅幣。

事略

夏，用朱墨別眞僞，定李白眞詩百廿二篇（見〔最錄李白集序〕）。

先生嘗得宋皇祐重摹魏邯鄲淳三體石經尙書卅九字，左傳卅八字，先生盛稱淳親見祕府孔壁古文，且言石經有今文古文兩者之學邕一字今文家也，淳三字古文家也。臘月，有最錄尙書古文序寫定本（全集中未見），時先生居上斜街。

道光九年（一八二九）乙丑，卅八歲。

國家大事紀

二月：禁回人不得兼職。

四月：賜李振鈞百二十一人進士及第出身有差。

事略

會試中式第三十九名；座主歙縣曹文正公（振鏞）、滿州文恭公（玉麟）、寶應朱文定公（士彥）、山陽李芝齡大宗伯（宗昉）、歙縣吳退旃大司農（椿）、房考清苑王曉齡中丞（植），殿試三甲第十九名，賜同進士出身（見〔題名碑錄〕：「道光己丑科，三甲十九名，龔自珍」）。

廷試劉策〔大指祖王仁荆公上仁宗皇帝〕（己亥四十四自注）。

四月廿八日朝考，欽命題「安邊綏遠疏」，時張格爾甫平，方議新疆善後，先生臚舉時事，灑々千言，直陳無隱，閱卷諸公大驚，卒以楷法不中程，不列優等。

朝考奉旨以知縣用，呈請仍歸中書原班（〔清宣宗或皇帝實錄〕卷一五六）。

四月乙丑，太子太傅固原提督二等，果勇侯楊芳，自喀什噶爾入覲，先生與相揖於西淀軍機處直房，有文以紀其事。昔癸未歲，楊芳任古北口，提督，先生亦有詩寄之。

十二月朔：有上大學士書，言內閣故事當循者六事，寢不行。

道光十年（一八三〇）庚寅，卅九歲。

國家大事紀

八月：回疆復亂，詔絕浩罕通商，命長齡、楊遇春等率師討之。

事略

四月九日，歙徐廉峰侍御（寶善）、宜黃黃樹齊編修（爵滋）約同人花之寺看海棠，續江亭餞春，集會者朱椒堂兆京（爲弼）彭荆田太守（邦峻）潘研輔解元（德興（興）），周雪橋檢討（仲墀）、汪小竹比部（全泰）、簡夢麟孝廉（鈞培）、魏默深舍人（源）、湯海秋儀部（鵬）、陳登之通守（延恩）、潘星齊待詔（曾瑩）、紱庭典簿（曾綬）與先生凡十四人，未至者李方赤比部（璋煜）也（見〔徐廉峯詩集〕）。

冬，段茂堂爲定本許氏說文，先生乃作「最錄段先生定本許氏說文」（按：是文見於全集中）。

道光十一年（一八三一）辛卯，四十歲。

國家大事紀

三月：廣東黎匪爲亂，兩廣總督李鴻賓討之。

四月：黎匪平。

五月：詔各直省督撫妥籌杜絕鴉片來源。

十月：與浩罕締和，復許其通商。

十二月：行票鹽法。

是歲事蹟無考。

道光十二年（一八三二）壬辰，四十一歲。

國家大事紀

正月：定教首遇赦不赦例。

二月：人趙金龍作亂，湖南提督海陵阿死之。

四月：湖廣總督盧坤、提督羅思舉，擊趙金龍破斬之。

八月：廣東連州八排 叛，逮總督李鴻賓入京治罪，以盧坤爲兩廣總督，率師討平之。

十月：台灣陳辦作亂，詔閩浙總督程祖洛馳往剿之。

事略

春，招公車諸名士重集花之寺。（嘉應揚懋建（常生）〔夢華瑣簿〕：「三官廟中有花之寺。壬辰初入京，龔定盦招余會公車諸名士；宋于庭、包慎伯、魏默深、端木鶴田諸公十四、五人。」王壽南按：「京師諸名士嘗結社酬唱，〔湯海秋詩集〕，〔黃樹齋僊屏書屋詩集〕多酬唱之詩，且屢在花之寺集宴，龔自珍當是一員。」

夏，大旱，詔求直言，大學士蒙古文誠公（富俊）五度就訪，先生手陳當世急務八條，文誠讀至汰冗濫一條，動色以爲難行，餘頗欣賞，文不存集中（見己亥七十六及其自注文）道光十三年（一八三三）癸巳，四十二歲。

國家大事紀

正月：福建提督馬濟勝，擒陳辦斬之，台灣亂平。

二月：四川邊夷爲亂，總督那彥寶、提督桂涵討平之。

事略

撰成「西漢君臣稱春秋之義考」一卷，同縣朱孝廉以升助先生整齊之。（己亥七十自注，是文公已佚）。

道光五年撰古史鉤沈論，是歲寫定。

始讀天台宗書（全集中「闡告子」來云：「年四十二矣，始讀天台宗書」）

冬，削剔闡告子而存之。（王壽南按：闡告子作於嘉慶廿三年，是歲始讀天台宗書，喜少作之闡合乎道，乃削剔蕪蔓存之）。

道光十四年（一八三四）甲午，四十三歲。

二月：申禁坊肆售賃淫書小說。

八月：英艦入廣東，總督盧坤拒卻之。

十一月：工部尚書王引之卒，以何凌漢代。

事略

在京師，遊蘭汀郎中之蘇園，並寓蘇園五日，園在西淀園。

明園南四里淀，乃題蘭汀郎園居卅五韻。

預考試差（按：預何種考試差待考）。

道光十五（一八三五）乙未，四十四歲。

國家大事紀

正月：兩廣總督盧坤，奏增定防範洋商章程八條，詔從之。

三月：山西超城教匪曹順作亂，知縣楊廷亮死之。

事略

擢宗人府主事（按：遷官事詩文無徵，道光十四年序：「干祿新書時」，尚自署：「內閣中書」，而道光十六年送梁公序自稱「宗人府主事」遷官似在甲、丙之間，暫繫此）。

三月，寫定南唐五百字（見全集中：最錄南唐五百字一文自注）。

與諸同人集於吳虹生家，飲酒吟詩，縱論上下古今。（見潘諮林阜間集，秋日集詠記：乙未九日集吳氏之南軒詩）。

立秋日，慶漁山戶部（勛）招同吳虹生舍人（葆晉）、馬湘帆戶部（沅）、戴雲帆水部（孫），步香南編修（際桐）、徐鏡溪水部（啟山）集城北積水潭秋榭。登西北高樓縱飲，先生亦與焉，遂賦百字令一闕（按：吳昌綬所編年譜繫此事於四十五歲）。

十二月，王文簡公將葬，先生以鄉試出公門下，又因公弟四子壽同之請，乃恭撰墓表銘（王壽南先生按：是文之說與事實頗有出入，壽南以爲；先生之爲此文也，實非記王文簡公，乃作其理想中之小學家風度之描寫也）。

道光十六（一八三六）丙申，四十五歲。

國家大事紀

二月：湖南武岡 作亂，詔納爾經額剿平之。

十月：兩江總督陶澍，降四級留任。

三月，徐廉峯編修（寶善）招同朝士十八人，宴集豐宜門外花之寺海棠花下，醉賦，先生遂賦鳳凰台上憶吹簫。（見「集外詞」）。

初，王元鳳署澧州知州，擢陳州知府，爲都察院所劾，獲譴戍軍台，託弱小於先生，先生乞假五日，送之居庸關，逾八達嶺而返。時先生方爲蒙古圖志，某部落某山尙未有圖，囑元鳳爲圖，以門禁嚴，不果。（見：說張家口）。

先生久居京師，嘗東游至永平境，北至宣化境，因作紀游合一卷，猶恨未至盧龍圖，北未至獨石口，不得盡窺東北兩邊形勢也。

長樂梁 林（章鉅）受任廣西巡撫，五月戊戌陞辭，又五日，戶部侍郎欽程春海（恩澤），內閣中書大興徐星伯，光州吳虹生與先生，合宴公於吳虹生家，先生作序以贈，時先生官宗人府主事（見全集：送廣西巡撫梁公序）。

同年馮文江官廣西土西隆州，以事得譴，北如京師，老矣，將南歸鴛鴦湖，先生有詩贈行。
道光十七年（一八三七）乙酉，四十六歲。

國家大事紀

正月：以林則徐爲湖廣總督。

六月：四川馬邊廳夷人滋事，總督鄂山討平之。

事略

春二月，宗人府京察一等引見，蒙記名，奉旨充玉牒纂官修，草創章程，未竟其事（見己亥五十一、五十二自注）。

三月先生由宗人府主事調任禮部祠祭司主事。

四月，改主客司主事，兼坐辦祠祭司事。（按：道光十八年正月，先生有在「禮曹與堂上官論事書」云：「主客司主事兼坐辦祠祭司事龔鞏祚謹啟大人閣下：鞏祚以去年春，由宗人府主事調任今職。」另全集：禮部題名記敘：「道光十七年春三月，仁和龔自珍由宗人府主事改禮部號事祠祭司行走，夏四月，補主客司，仍兼祠祭司行走。」）。

六月，選授湖北一同知，不就，仍就原職（見己亥五十三自注。且有與吳虹生箋云：「弟事尚無准駁明文，而有一書辦來求見……且勸弟撒謊，謂家大人業已來京，即可邀准，弟寧化異做同知，而不願撒此謊也。只合瞑目聽其自然，聽諸一定之數。」另一箋又云：「弟因歸思鬱勃，事不如意，積所致，肺氣橫溢，遂致嘔血半升……」先生憂憤不得意，終致棄官而去。

佛書入中國以後，校讐者希，先生乃爲〔龍藏考證七卷〕，又以妙法蓮華經爲北涼宮所亂，乃重定目次，分本迹二部，刪七品存廿一品是歲春勒成（見己亥八十一自注）。

九月廿三日，夜不寐，聞茶沸聲，披衣起，菊影在扉，忽證法華三昧（見己亥七十八自注）。

九月廿五日，天將曙，夢梵僧相告龍樹因緣偈，須以一口氣急讀之，不得擬議。既寤，取筆改定舊所製頌，是爲重定雙非雙亦門頌。

重九，與徐星伯、吳虹生連騎遊西山之寶藏寺（見己亥二二三自注）。

道光十八年（一八三八）戊戌，四七歲。

國家大事紀

閏四月：鴻臚寺卿黃爵滋，奏請嚴禁雅片。

十月：以廣東總督林則徐爲欽差大臣，馳赴廣東，查辦雅片事物。

正月，有上禮部堂上官書，論四司政體宜沿宜革者三千言（全集中不見此文）。

四月，據商周彝器秘文說其形義，補說文一百四十七字成。

五月，代宋經歷銘堯作京師悅生堂刻石。

詩編年終。（己亥六十五注：「詩編年始嘉慶丙寅，終道光戊戌，勒成廿七卷，今除破戒草外，已不得見」）。

爲申劉禮部之誼，成春秋決事比六卷，距劉禮部卒十年矣。

十一月，林文忠公（則徐），由湖廣總督入覲，頒給欽差大臣關防，馳往廣東，查辦海口事件，先生作序送之，獻三種決定義，三種旁義，三種答難義，一種歸墟義，有南游之意。父忠公有復函婉辭，故先生南下外出之請不果。（見全集：送欽差大臣侯官林官序一文，文忠公復札附序尾）。

道光十九年（一八三九）己亥，四十八歲。

國家大事紀

四月：林則徐焚燬鴉片二萬箱於廣東虎門口外。

十月：詔停止英吉利貿易。

十一月：以林則爲兩廣總督。

事略

先生官京師，冷署閑曹，俸入本薄，性既豪邁，嗜寄好客，境遂大困，又才高動觸時忌，至是以父麗正先生年逾七旬，從父文恭公適任禮部堂上官，例當引避，乃乞養歸。

四月廿三日出都，不携眷屬，以一車自載，一車載文集百卷以行。

出都之前分別和留京之同年、至友及共事諸宗室吟詩作別。出都日，距國門已七里，吳虹生立橋上候，設茶酒淚而別（按：據先生所述，吳虹生爲戊寅，己丑同年，同出清苑王公門，殿上試，同不及格，同官內閣，同改外，同日還原官。故二人情誼當不凡）。

五月十二日抵淮浦，過江淮間，時何亦民（俊）以知府銜駐黃河，盧心農（元良）知甘泉，皆先生同年，先生因兩君之助而不困厄。

六月十五日別甘泉，過揚州。在揚州，見大學士阮元、秦敦夫編修、上元蘭君、太倉邵子顯、魏默深舍人、陳靜菴博士、秦玉笙、謝夢漁、劉楚楨、劉孟瞻四孝廉、楊季子都尉。見名妓小雲。

重晤段君果行、沈君揚東於逆旅（二人乃麗正先生舊賓客也）。

欲如江寧不果，過鎮江，至江陰，始見李申耆（兆洛）及蔣丹樓（彤）（按：先生有「常州高材篇送丁若士賦」云：「所恨不識李夫子（申耆），」是歲南歸始遂願）。

至蘇州，擬尋洞庭山舊遊，不果。舅氏段右白葬支山，詩以弔之。金媪者，先生幼時嘗保抱者也，重見於吳中，年八十有七。

到秀水縣重見七叔父。

訪嘉興太守王守仁（壽昌）（文簡公子）。

拜紫柏、藕益兩人師象，求天台宗各書印本，無所得，見楞嚴講主逸雲。

七月九日到杭州，麗正先生年七十有三，倚門望久矣。此時杭人早傳誦出都留別詩，有詩先人到之謠。

八月十八日，侍麗正先生觀潮。過嚴少農侍郎富春山館，觴詠旬日；其地爲明金尙書別墅，先生品題爲天下名園第四。

先生出都，有空山夜雨之句，是秋自淮以南，千里苦雨，謂應詩識，頗軫哀鴻之思。

九月十一日，坐雨羽玲山館，包慎伯贈瘞鶴銘，先生評此銘惟北朝〔鄭文公碑〕差足相匹。先生眷屬時滯留北方，料理別墅稍露厓略，將自往迎之歸以實之。陳碩甫（奐）爲規畫北行事，月白犀利，先生誌爲良友之愛。

九月十五日晨，出發接眷，從子劍塘送於蘇州。

廿五日，重到袁浦，從弟景姚以丹陽丞駐南河，館其廡中，留十日，藉讌遊以抒湮鬱之抱，所謂「醉夢時多，醒時少」也，賦詞卅餘首。

十月六日，渡河去，時東河總督檄問泉源之可以濟運者，汪孟慈董其事，先生目見柳泉涌出銅山縣北五十里，大泉懸出滕縣西南百里，先生乃寄詩汪孟慈、徐鏡溪。

先生屢過兗州，未至曲阜，至是自幸著書有成，慨然曰：可以謁孔林矣。乃齋於南沙河，又齋於南家店，遂謁至聖廟，瞻仰純廟所頒祭器十事，得拓本以歸。

館於九經閣（憲庚）家，晤曲阜令王海門同年（大淮）、及王大培、王鴻、孔綉山（憲彝）鄭憲銓等，皆詩人也。在曲阜，題詩孔經閣之觀海圖，雲水詩瓢圖，王海門之種松圖，王子梅（鴻）之祭詩圖、王秋垞（大培）之蒼茫獨立圖。

十月，先生將別曲阜，王海門、王秋垞、王子梅、孔經閣、鄭子斌（憲銓）五人餞之於矍相圃，忽開臘梅一枝，經閣折贈先生以伴行。

至任邱縣，遣一僕入都迎眷屬，公子書來，乞稍稍北，乃進次雄縣，又請，又進次固安縣。冬至後五日，眷屬出都。

十二月十九日，過焦山，携女辛往遊，歸舟大雪。廿二日，過無錫縣，又携女遊惠山。

歲不盡五日，安頓眷屬於海西羽玲之山，自是恆往來於吳、越之間。（註三）

道光廿年（一八四〇）庚子，四九歲。

國家大事紀

五月：英兵入犯廣州。

六月：英艦北犯陷定海。

七月：英艦至天津，要求六條款。

九月：褫兩廣總督林則徐職，以琦善代之。

春，寫己亥雜詩竟，新安女士程金鳳書其後。

八月，至蘇州，施之金陵，游秦淮，後移寓城北四松庵。溪山幽絕，人跡罕至。

在江寧，過訪城北之紗帽巷湯宅，拜湯大紳，湯荀業遺像感其忠孝，因成鳳山知縣常山湯公父子畫像記（按：文末自言距乾隆五十一年五十有五年，當在是歲）。

秋遊秣陵，張子絜（薦）之子拜尊，出其父所藏玲瓏山館本，華山碑跋屬題記，先生乃爲書「張子絜大令所藏玲瓏山館本華山碑跋後」（按：是文今未見）。

重至蘇州，寓滄浪亭，與王子梅諸君談藝甚懽，子梅以教主目之。

輯庚子雅詞一卷。

任教丹陽書院。（見辛丑正月初二與吳虹生箋：「家大人病新起，氣血大損，弟今年仍不能不出門，向來薄宋士大夫罷官後乞祠官，今之書院講席，又出領祠之下，乃今日躬自蹈之，已就丹陽一小小講席，歲修不及三百金。」）

道光廿一年（一八四一）辛丑，五十歲。

國家大事紀

正月：英兵犯廣州，陷沙角大角兩礮台，詔逮琦善入京，以祁代之。

二月：英軍攻陷虎門礮台。

閏三月：奕山謀襲英軍敗績，英軍陷四方礮台。

七月：英軍北犯廈門。

八月：英軍復陷定海、鎮海、寧波。

事略

正月初三，由杭州出發赴丹陽。

三月初五，麗正先生卒，壽七十有五。

七月，至丹陽，館於縣署。

孟秋上旬三日，先生游淮，謁兵部侍郎江南河道總督長白麟公於浦上，公作有鴻雪因緣圖記，先生爲之作序。

八月十二日辰時，暴疾捐館。

註 解

- 一、所謂常州學旅，即以清朝常州莊存與爲首倡的春秋公羊學派，其主張大致爲：「學非致用以繫其本，不足以爲學，乃專公羊」的「經世致用」論，以對抗當時重考據、訓詁的學術風氣所產生的流弊。
- 二、此五種年譜資料爲：清，黃守恆、吳昌綬，民國，王壽南、朱傑勤等人各自編就「龔定庵先生年譜」及張祖廉先生所編「定庵先生年譜外紀一種」。
- 三、這一年事略的資料全部來自龔定庵寫的己亥雜詩和其中的序文。己亥雜詩是龔公於四十八歲那年揮別北京返鄉途中所寫成的一組詩，共三百一十五首，以七言絕句體形式寫成，占了他現存詩歌一半以上，其中作者對自己的家世、經歷、著述、社會交往和坎坷的政治生涯都有粗略但完整的描述，因此，可當作研究龔氏生平的重要資料。

參考書目

甲、史志部分

- ①清史稿
- ②清代通史 蕭一山著
- ③中國近代學術思想變遷史 黃功偉著
- ④清代七百名人傳 蔡可園纂 台北：廣文
- ⑤明清歷科進士題名碑錄 華文書局股份有限公司
- ⑥杭州府志
- ⑦安徽通志
- ⑧徽州府志
- ⑨仁宗睿皇帝實錄

乙、集著部份

- ①龔自珍全集 河洛 民六十四、九月台景印初版
- ②龔定庵研究 朱傑勤 台北：文星
- ③經韻樓集 段玉裁著

丙、論文部份

- ①龔定盦（或庵）思想之分析 錢穆著